



ს.ს.ი.პ. საგანმანათლებლო და სამეცნიერო
ინფრასტრუქტურის განვითარების სააგენტო



სატენდერო დოკუმენტაცია

სასკოლო სახელმძღვანელოების გადაზიდვის მომსახურების
სახელმწიფო შესყიდვა - ელექტრონული ტენდერი

თბილისი

2013 წელი

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქტაჟი შესაძლებელი ასევე იხილოთ: <http://procurement.gov.ge>

ტექნიკური დოკუმენტაცია

ტექნიკური დავალება

შესყიდვის საგანი: საქართველოს საჯარო სკოლებსა და საგანმანათლებლო რესურსცენტრებში სასკოლო სახელმძღვანელოების და რვეულების მიწოდება (დისტრიბუცია), რომელიც მოიცავს:

ა) დიდ ქალაქებში (თბილისში, ქუთაისში, ფოთში, რუსთავში, ბათუმში) ყველა საჯარო სკოლაში მიწოდებას; (იხ. დანართი ატვირთული მასალა)

ბ) გორის, თელავის და ზუგდიდის რაიონებში მიმწოდებლის მიერ ტვირთის დასაწყობებასა და დახარისხებას სკოლების მიხედვით მის საკუთრებაში ან იჯარით არსებულ სასაწყობე ფართებში, საიდანაც საჯარო სკოლები თვითონ გაიტანენ კუთვნილ სასკოლო სახელმძღვანელოებსა და რვეულებს; (იხ. დანართი ატვირთული მასალა)

გ) ხოლო დარჩენილი რეგიონებისათვის ტვირთი უნდა დახარისხდეს სკოლების მიხედვით და ისე მიეწოდოს საგანმანათლებლო რესურსცენტრებს.

(შესყიდვის ობიექტის მიწოდების ადგილები, რესურს ცენტრების და საჯარო სკოლების მისამართები განისაზღვრება სატენდერო დოკუმენტაციით)

გადასაზიდი ტვირთის (სასკოლო წიგნი, რვეული) სრული რაოდენობაა-4,871,184 ცალი

სასკოლო სახელმძღვანელოების გადაზიდვის მომსახურება ითვალისწინებს სასკოლო სახელმძღვანელოების დასაწყობებას, დაფასებას რეგიონებისა და საჯარო სკოლების მიხედვით, ტვირთის გადასაზიდ სატრანსპორტო საშუალებებზე ატვირთვას, მის ტრანსპორტირებას, ტრანსპორტიდან გადმოტვირთვას და მის განთავსებას ადგილზე მიტანით.

შესყიდვის ობიექტის მიწოდების ვადა: სასკოლო სახელმძღვანელოების გადაზიდვა უნდა მოხდეს ეტაპობრივად, არაუგვიანეს 2013 წლის 10 სექტემბრისა.

შემსყიდველის მიერ ტვირთი მიწოდებული იქნება ეტაპობრივად (თან ერთვის მიწოდების სავარაუდო გრაფიკი).

შესყიდვის სავარაუდო ღირებულებაა: 715,575 (შვიდასთხუთმეტი ათას ხუთასსამოცდათხუთმეტი) ლარი დღგ-ის ჩათვლით.

პრეტენდენტის მიერ წარმოდგენილი სატენდერო წინადადება უნდა შეიცავდეს გასაწევი მომსახურების განფასებას და ღირებულება უნდა ითვალისწინებდეს ტვირთის ტრანსპორტირების ღირებულებასთან ერთად მისი დასაწყობების, დაფასოების, ტრანსპორტზე ატვირთვის, ტრანსპორტიდან გადმოტვირთვის და მისი განთავსების ადგილზე მიტანის ღირებულებებს და საქართველოს საგადასახადო კოდექსით მიმწოდებლისათვის დადგენილ ყველა გადასახადს.

ანგარიშსწორების სავალდებულო პირობა: წინასწარი ანგარიშსწორება გამოიყენება არაუმეტეს ოცდამეორე სახელმწიფო ღირებულების 30%-ისა შესაბამისი საბანკო გარანტიის წარმოდგენის შემთხვევაში. მიმწოდებელთან ანგარიშსწორება განხორციელდება შესყიდვის ობიექტის ფაქტობრივი მიწოდების, შესრულების აქტისა და საგადასახადო ანგარიშ-ფაქტურის (თუ მიმწოდებელი დღგ-ს გადამხდელია) წარმოდგენის შემდეგ, მხარეთა მიერ სათანადოდ გაფორმებული შესაბამისი მიღება-ჩაბარების აქტის საფუძველზე, მისი გაფორმებიდან 15 (თხუთმეტი) სამუშაო დღის ვადაში. მხარეთა შორის მიღება-ჩაბარების აქტის გაფორმების საფუძველი იქნება მიმწოდებლის მიერ წარმოდგენილი სახელმძღვანელოებისა და რვეულების გადაცემის დამადასტურებელი მიღება-ჩაბარების აქტები, რომელიც დადასტურებული იქნება საჯარო სკოლის და/ან საგანმანათლებლო რესურსცენტრის უფლებამოსილი პირის და მიმწოდებლის მხრიდან უფლებამოსილი პირის მიერ ხელმოწერითა და ბეჭდით. აღნიშნული დოკუმენტის წარმოდგენის შემთხვევაში არ გაფორმდება მიღება-ჩაბარების აქტი.

აუცილებელი პირობა:

- მიმწოდებელმა უნდა უზრუნველყოს გადაზიდვის ობიექტის (სასკოლო სახელმძღვანელოებისა და რვეულების) სტამბებიდან მიღება, დასაწყობება საწყობებში.
- მიმწოდებელმა უნდა უზრუნველყოს სახელმძღვანელოებისა და რვეულების დაფასოება სკოლების მიხედვით შემსყიდველის მიერ მიწოდებული დასახელებებისა და რაოდენობების შესაბამისად.
- მიმწოდებელმა უნდა უზრუნველყოს ტვირთის გადაზიდვა და დასაწყობება საგანმანათლებლო რესურსცენტრებში და საჯარო სკოლებში. რესურსცენტრებში მიტანის შემთხვევაში მიმწოდებელი ვალდებულია საჭიროების შემთხვევაში დაიქირავოს შესაბამისი ფართი სახელმძღვანელოების სრულად განაწილებამდე.
- საგანმანათლებლო რესურსცენტრებში ტვირთის მიწოდების შემთხვევაში, მიმწოდებელი ვალდებულია რესურსცენტრებს გადასცეს დახარისხებული სასკოლო წიგნები და რვეულები ამავე რაიონის ტერიტორიაზე განლაგებული საჯარო სკოლების მიხედვით.
- მიმწოდებელმა უნდა უზრუნველყოს განსახორციელებელი მომსახურების სავარაუდო გეგმა-გრაფიკის წარმოდგენა, რომელიც უნდა გამომდინარეობდეს შემსყიდველის მიერ მისაწოდებელი წიგნებისა და რვეულების გეგმა გრაფიკიდან.
- მიმწოდებელს უნდა გააჩნდეს (საკუთრებაში ან იჯარით) რეგიონალური სასაწყობო ქსელი:
სავალდებულოდ არანაკლებ ფართისა:
არანაკლებ 3000კვ.მ. ქ. თბილისში;
არანაკლებ 300კვ.მ ქ. თელავში;
არანაკლებ 300კვ.მ. ქ. ზუგდიდში;
არანაკლებ 300კვ.მ. ქ. გორში.
- მიმწოდებელს უნდა ჰყავდეს კვალიფიციური და გამოცდილი მუშახელი რეგიონალურ დონეზე.
- მომსახურების გაწევის პერიოდში ტვირთის უსაფრთხოებაზე და დაუზიანებლობაზე პასუხისმგებლობა ეკისრება მიმწოდებელს.

- მიმწოდებელი უზრუნველყოფილი უნდა იყოს გადაზიდვისთვის აუცილებელი ავტოსატრანსპორტო საშუალებებით, გადასაზიდი ტვირთის მთლიანი მოცულობის გათვალისწინებით.
- მიმწოდებელმა წიგნების და რვეულების დასარიგებლად უნდა გამოიყენოს ავტომატიზირებული ელექტრონული სისტემა, რომლის აუცილებელი პირობაა:
 - ფლობდეს გზავნილების მართვის ავტომატიზირებული სისტემის პროგრამულ უზრუნველყოფას;
 - პროგრამული უზრუნველყოფა საშუალებას უნდა იძლეოდეს მიაწოდოს ანგარიშები დამკვეთს მის მიერ მოთხოვნილი ნებისმიერი პარამეტრების მიხედვით;
 - შემოსული და გასული ტვირთის (წიგნი/რვეული)დეტალური აღრიცხვა;
 - პროგრამამ უნდა უზრუნველყოს, შესაბამისი დავალებების მომზადება, რომელიც უნდა ითვალისწინებდეს ინსტრუქციების მომზადებასა და გაცემას (ბეჭდვითი სახითაც), რომელიც უნდა მოიცავდეს კონკრეტული შემოსული და გასანაწილებელი წიგნის/რვეულის სახეობებს, მისაწოდებელ ადგილს, სკოლას, კლასს და პერიოდს;
 - პროგრამამ უნდა უზრუნველყოს სრული სტატისტიკური რეპორტიინგი.
- მიმწოდებელმა უნდა უზრუნველყოს ტვირთის დაზღვევა, მომსახურების დაწყებიდან ბენეფიციარამდე ჩაბარების ხანგრძლივობის გათვალისწინებით.

1. მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.
2. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტაცია და ინფორმაცია:

ა) ინფორმაცია პრეტენდენტის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, პრეტენდენტის საბანკო რეკვიზიტები, საიდენტიფიკაციო კოდი, საკონტაქტო ინფორმაცია, ხელმძღვანელის ან უფლებამოსილი პირის სახელი და გვარი; ამასთან ფიზიკურმა პირმა უნდა წარმოადგინოს პირადობის დამადასრურებელი დოკუმენტის ასლი), სატენდერო წინადადების მოქმედების ვადა და ანგარიშსწორების პირობები სატენდერო დოკუმენტაციის დანართი №1-ის მიხედვით;

ბ) მომსახურების ხარჯთაღრიცხვა;

გ) ინფორმაცია კვალიფიკაციისა და ანალოგიური მომსახურების გამოცდილების შესახებ (ორგანიზაციის ან თანამშრომელთა შესახებ);

დ) ინფორმაცია მუშახელის რაოდენობის შესახებ;

ე) ინფორმაცია სასაწყობე ფართებისა და ავტოპარკის შესახებ;

ვ) განსახორციელებელი მომსახურების სავარაუდო გეგმა-გრაფიკი;

ზ) ინფორმაცია ტვირთის დაზღვევის პირობების შესახებ.

3. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ტექნიკური დავალებით განსაზღვრულ მოთხოვნებზე:

ა) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

ბ) მომსახურების გაწევა განხორციელდება ტექნიკურ დავალებაში მოცემული პირობებით.

საკვალიფიკაციო მოთხოვნები

საკვალიფიკაციო მოთხოვნების შესაბამისად, პრეტენდენტები ვალდებული არიან წარმოადგინონ შემდეგი დოკუმენტები:

1.1. როგორც ფიზიკური ასევე იურიდიული პირებისათვის:

- ა) ცნობა შესყიდვაში მონაწილეობის მსურველი პირის ქონებაზე საჯაროსამართლებრივი შეზღუდვის არარსებობის შესახებ.
- ბ) ცნობა შესაბამისი დაწესებულებიდან, მასზედ რომ არ მიმდნარეობს გაკოტრების ან გადახდისუუნარობის საქმის წარმოება.
- გ) ცნობა საგადასახადო ინსპექციიდან ბიუჯეტის წინაშე დავალიანების არარსებობის შესახებ.

შენიშვნა: საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები (1.1. პუნქტით გათვალისწინებული საკვალიფიკაციო მოთხოვნები) გაცემული უნდა იყოს ტენდერისათვის „წინადადებების მიღება დაწყებულია“ სტატუსის მინიჭების შემდეგ. აღნიშნული დოკუმენტები წარმოდგენილი უნდა იქნეს ელექტრონული ვაჭრობის დამატებითი რაუნდების შემდეგ, შემსყიდველი ორგანიზაციის მოთხოვნის შესაბამისად. (საკვალიფიკაციო მოთხოვნებით (ადმინისტრაციული ორგანოებიდან წარმოსადგენი დოკუმენტები) გათვალისწინებულ დოკუმენტებს წარმოადგენს მხოლოდ გამარჯვებული პრეტენდენტი). გამარჯვებული პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, წერილობითი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების შემთხვევაში სატენდერო კომისია მოახდენს ამ პრეტენდენტის დისკვალიფიკაციას და მას არ დაუბრუნდება სატენდერო წინადადების უზრუნველყოფის გარანტიის (ელექტრონული გარანტია) თანხა

არარეზიტენდმა პრეტენდენტ(ებ)მა საკვალიფიკაციო მოთხოვნებით გათვალისწინებული დოკუმენტები უნდა წარმოადგინონ თავიანთი ქვეყნის შესაბამისი უფლებამოსილი ორგანოებიდან, რომელიც თარგმნილი უნდა იყოს ქართულ ენაზე და ნოტარიულად დამოწმებული.

საკვალიფიკაციო მოთხოვნები ვრცელდება სუბკონტრაქტორებზეც (მათი არსებობის შემთხვევაში).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით. სატენდერო წინადადება უნდა მოქმედებდეს მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“, ან „ტენდერი შეწყვეტილია“ სტატუსის (ერთ-ერთის) მინიჭებამდე.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით.

სატენდერო საფასურის ოდენობა შეადგენს 50 ლარს.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია სახელშეკრულებო ღირებულების 3%-ის ოდენობით. აღნიშნული საბანკო გარანტია წარმოდგენილი უნდა იქნეს ხელშეკრულების გაფორმებამდე და მისი მოქმედების ვადა სულ მცირე 60 კალენდარული დღით უნდა აღემატებოდეს საქონლის მოწოდების ვადას.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

დამატებითი ინფორმაცია:

- დამატებითი ინფორმაცია დაინტერესებულ პირებს შეუძლიათ მიიღონ მისამართზე: ქ. თბილისი, ალექსიძის ქ. N1, შენობა–ნაგებობა 1; მე-2 სართული, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, სატენდერო კომისიის აპარატი, საკონტაქტო პირი მურთაზ სიჭინავა, ტელ: 577 15 20 50 და დავით მესხიშვილი ტელ: 577 17 11 88;

1. პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის სახელი, გვარი	
პრეტენდენტის იურიდიული და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი/ელ.ფოსტა	
მომსახურე ბანკის დასახელება	
ბანკის კოდი	
ანგარიშსწორების ანგარიში	

2. ანგარიშსწორების პირობები
ანგარიშსწორება განხორციელდება უნაღდო ანგარიშსწორებით ლარებში, ანგარიშსწორება განხორციელდება გაწეული მომსახურების შესაბამისად, შემსყიდველისა და მიმწოდებლის მიერ ფინანსური დოკუმენტაციისა და მიღება-ჩაბარების აქტის გაფორმებიდან 15 სამუშაო დღის ვადაში.

3. ინფორმაცია სატენდერო წინადადების მოქმედების ვადის თაობაზე
სატენდერო წინადადება ძალაშია : 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-10 მუხლის პირველი პუნქტის თანახმად, ძალაშია ამ წესის მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

პრეტენდენტის ხელმოწერა და ბეჭედი

ბ.ა.

ხელშეკრულების პროექტი

(კონკრეტული პირობები დაზუსტდება სატენდერო წინადადების
შინაარსის გათვალისწინებით)

ხელშეკრულება

(გადაზიდვის შესახებ)

63110000 - ტვირთის გადაზიდვის მომსახურებები

ქ.თბილისი _____ 2013 წ.

ერთის მხრივ საქართველოს ს.ს.ი.პ. საგანმანათლებლო და სამეცნიერო ინფრასტრუქტურის განვითარების სააგენტო (შემდგომში – შემსყიდველი), სააგენტოს დირექტორის _____ სახით და მეორეს მხრივ შ.პ.ს. „-----“ მისი გენერალური დირექტორის ----- სახით (შემდგომში „გადამზიდველი“) ----- ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1. ხელშეკრულების საგანია -----

მუხლი 2. მომსახურების საფასური და ანგარიშსწორების წესი

2.1. ხელშეკრულების ჯამური ღირებულება შეადგენს ----- ლარს დღგ-ს ჩათვლით.

2.2. დამკვეთი იღებს ვალდებულებას გადაუხადოს გადამზიდვას ამ ხელშეკრულებით განსაზღვრული ანაზღაურება ფაქტობრივად განხორციელებული მომსახურების შესაბამისად მხარეთა შორის მიღება-ჩაბარების აქტის გაფორმებიდან 5 სამუშაო დღის ვადაში

2.3. გადახდის ფორმა - უნაღდო ანგარიშსწორება;

2.4. ანგარიშსწორების ვალუტა – ლარი (დღგ-ს ჩათვლით);

მუხლი 3. ტვირთი

3.1. გადასაზიდი ტვირთის მონაცემები თან ერთვის;

3.2. ტვირთის მიმღები განსაზღვრულია გადაზიდვის დამკვეთის მიერ (თან ერთვის);

3.3. დამკვეთი იძლევა გარანტიას, რომ ტვირთი არ წარმოადგენს საქართველოში ბრუნვაში დაუშვებელ ნივთს.

მუხლი 4. განსაკუთრებული პირობები

4.1. დამკვეთი ვალდებულია უზრუნველყოს გადასატანი ტვირთის ისეთი შეფუთვა, რაც გამორიცხავს შეფუთვის ან/და ტვირთის დაზიანებას.

4.2. ამ მუხლის 4.2 პირობის დარღვევის შემთხვევაში გადამზიდველი უფლებამოსილია უარი განაცხადოს ტვირთის მიღებაზე ან/და ხელშეკრულების ვალდებულების შესრულებაზე.

4.3. გადამზიდველი ვალდებულია უზრუნველყოს ტვირთის მიმღებისათვის ჩაბარება შეფუთვის მთლიანობის დაურღვევლად (გაუხსნელად).

4.4. იმ შემთხვევაში, თუ გადასატანი ტვირთი წარმოადგენს მსხვრევად საქონელს დამკვეთი ვალდებულია ტვირთს გაუკეთოს შესაბამისი აღნიშვნა ან/და წერილობით გააფრთხილოს გადამზიდველი.

4.5. დამკვეთი იძლევა გარანტიას, რომ ტვირთი არ წარმოადგენს მალფუჭებად პროდუქტს.

- 4.6. გადამზიდველის მიერ ტვირთის გადატანა და ტვირთის მიმღებისათვის ჩაბარება დასტურდება მიღება-ჩაბარების აქტზე ანდა დამკვეთის მიერ გამოწერილ სასაქონლო ზედნადებზე მიმღების ხელის მოწერით, რომელიც რჩება მხარეებთან;
- 4.7. ტვირთის მიმღებისათვის ჩაბარების შემდეგ გადამზიდველს არ ეკისრება რაიმე ვალდებულება ან პასუხისმგებლობა დამკვეთსა და ტვირთის მიმღებს შორის წარმოშობილ სამართლებრივ ურთიერთობებზე, კანონმდებლობით წარმოშობილ ვალდებულებებზე, ან სხვა სამართლებრივ ურთიერთობებზე.
- 4.8. დამკვეთი ვალდებულია მიაწოდოს გადამზიდველს ტვირთთან, ან მის გადაგზავნასთან დაკავშირებული ზუსტი და უტყუარი ინფორმაცია წინააღმდეგ შემთხვევაში გადამზიდველს ეხსნება პასუხისმგებლობა ასეთი გარემოებით გამოწვეულ ნებისმიერ ზიანზე.
- 4.9. გადამზიდველს ტვირთის გადატანისა და ჩაბარების ვალდებულება შესრულებულად ეთვლება ტვირთის მიმღების მიერ სასაქონლო ზედნადებზე ან სხვა დოკუმენტზე ტვირთის ჩაბარების თაობაზე შესაბამისი აღნიშვნის გაკეთების შემდეგ, რის შედეგადაც ეხსნება ყველანაირი პასუხისმგებლობა ტვირთის უსაფრთხოებაზე, მის მთლიანობაზე ან ტვირთის გამგზავნისათვის ჩაბარებაზე.
- 4.10. იმ შემთხვევაში თუ ტვირთის მიმღები უარს განაცხადებს ტვირთის მიღებაზე, გადამზიდველი ტელეფონით ან/და წერილობით აცნობებს დამკვეთს აღნიშნულის თაობაზე და შეუთანხმდება მას ტვირთის დაბრუნების პირობებზე.
- 4.11 ამ მუხლის 4.9 პუნქტით განსაზღვრული გარემოებების წარმოშობისას დამკვეთი ვალდებულია დაუყოვნებლივ დაიბრუნოს ტვირთი. წინააღმდეგ შემთხვევაში გადამზიდველს ეხსნება ვალდებულება ტვირთის შენახვაზე ან მის უსაფრთხოებაზე.

მუხლი 5. გადამზიდველის უფლებები და ვალდებულებები.

- 5.1.1. უზრუნველყოს გადასაზიდი ტვირთის მიმღებისათვის უსაფრთხო მიწოდება.
- 5.1.2. გარდა კანონმდებლობით გათვალისწინებული შემთხვევებისა არ გადასცეს ტვირთი სხვა პირს.
- 5.1.3. ტვირთის გადაზიდვისას არ დააზიანოს ტვირთის შეფუთვა.
- 5.1.4. სრულად აუნაზღაუროს დამკვეთს გამოწვეული ზიანი, რომელიც მიყენებულია ტვირთის მთლიანი ან ნაწილობრივი დაკარგვა-დაზიანებით, თუ აღნიშნულს ადგილი ექნება ტვირთის მიღებიდან ჩაბარებამდე დროის შუალედში.
- 5.1.5. მოსალოდნელი რისკის პრევენციისთვის განახორციელოს ტვირთის დაზღვევა.
- 5.1.6. განუხრელად დაიცვას ამ ხელშეკრულებით განსაზღვრული მოთხოვნები.
- 5.2. გადამზიდველს უფლება აქვს:
- 5.2.1. საჭიროების შემთხვევაში მოსთხოვოს დამკვეთს ტვირთის მიტანის ადგილამდე წარმომადგენლის თანხლება.
- 5.2.2. არ დაუბრუნოს დამკვეთს მომსახურების საფასური, თუ ტვირთის მიმღებისათვის ტვირთის ჩაუბარებლობა გამოწვეული არ არის მისი ბრალით.
- 5.2.3. მოსთხოვოს დამკვეთს მასზე ამ ხელშეკრულებით ან/და კანონმდებლობით დაკისრებული ვალდებულებების შესრულება, აგრეთვე ამ ხელშეკრულების შესრულებასთან დაკავშირებული ნებისმიერი დოკუმენტი;

მუხლი 6. დამკვეთის უფლებები და ვალდებულებები

- 6.1. დამკვეთი ვალდებულია:
- 6.1.1. დაემორჩილოს გადამზიდველის კანონიერ მოთხოვნას.
- 6.1.2. გადამზიდველის მოთხოვნის საფუძველზე მიაწოდოს მას ამომწურავი ინფორმაცია გადარიცხული თანხების შესახებ.

6.1.3. მიაწოდოს გადამზიდველს სრულყოფილი მონაცემები ან ინფორმაცია ტვირთთან (წონა, მოცულობა) ან/და ამ ხელშეკრულების პირობების შესრულებასთან დაკავშირებით.

6.1.4. განუხრელად შეასრულოს ამ ხელშეკრულებითა და კანონმდებლობით განსაზღვრული მოთხოვნები.

6.2. დამკვეთს უფლება აქვს:

6.2.1. ამ ხელშეკრულებით განსაზღვრული წესით მოითხოვოს ჯეროვანი მომსახურების გაწევა.

მუხლი 7. ხელშეკრულების შესრულების შეფერხება

7.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რის გამოც მხარისგან დამოუკიდებელი მიზეზებით ფერხდება ხელშეკრულების პირობების შესრულება, ამ მხარემ ზეპირად, ხოლო მოთხოვნის შემთხვევაში წერილობით დაუყოვნებლივ აცნობოს მეორე მხარეს შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმდებარე, რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

მუხლი 8. მხარეთა პასუხისმგებლობა ხელშეკრულების დარღვევისათვის

8.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვანად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

8.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობების ამ მუხლში.

8.3. თუ მიმწოდებელი ხელშეკრულებით განსაზღვრული ვადის ფარგლებში ვერ შეასრულებს ნაკისრი ვალდებულებებს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 10%-ის ოდენობით ან

ბ) განუსაზღვროს სამუშაოს დასრულებისათვის დამატებითი ვადა არაუმეტეს --- () დღისა, რა ვადაშიც მიმწოდებელი ყოველ ვადაგადაცილებულ დღეზე იხდის, პირგასამტეხლოს ხელშეკრულების საერთო ღირებულების 0.5%-ის ოდენობით.

8.4. თუ შემსყიდველი დარწმუნდება, რომ შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ს ოდენობით.

8.5. თუ კი მიმწოდებელი 8.3. „ბ“ პუნქტით გათვალისწინებულ დამატებით ვადაშიც ვერ განახორციელებს სამუშაოს სრულად დამთავრებას, შემსყიდველი წყვეტს წინამდებარე ხელშეკრულებას და მიმწოდებელი ხელშეკრულების არაჯეროვანი შესრულებისათვის დააჯარიმდება ხელშეკრულების საერთო თანხის 10%-ის ოდენობით.

მუხლი 9. ფორს-მაჟორი

9.1. მხარეებს არ ეკისრებათ პასუხისმგებლობა ნაკისრი ვალდებულებების შეუსრულებლობისათვის თუ აღნიშნული გამოწვეულია ფორს-მაჟორული გარემოებებით.

9.2. ამ ხელშეკრულებებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი მხარეთა შეცდომებსა და დაუდევრობასთან, რომლებსაც გააჩნიათ წინასწარ გაუთვალისწინებელი ხასიათი. ასეთი გარემოებები შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით..

მუხლი 10. დავები და მათი გადაწყვეტის წესი

10.1 მხარეთა შორის სამართლებრივი ურთიერთობა რეგულირდება ამ ხელშეკრულებისა და მოქმედი კანონმდებლობის შესაბამისად.

10.2. ხელშეკრულების პირობების შესრულებისას წამოჭრილი დავები უნდა გადაწყდეს მხარეთა ურთიერთმოლაპარაკების გზით.

მუხლი 11. სხვა პირობები

11.1. მეორე მხარის წერილობითი თანხმობის გარეშე, მხარეებს უფლება არა აქვთ ამ ხელშეკრულებით ნაკისრი უფლება-მოვალეობები გადასცენ მესამე პირს.

11.2. ნებისმიერი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს ეცნობება წერილის, ელ.ფოსტის, ტელეფონის ან ფაქსის მეშვეობით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

11.3. მხარეების მიერ ერთმანეთისათვის გაგზავნილი წერილობითი შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით თუ ამ თარიღებიდან რომელი უფრო გვიან დადგება.

11.4. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომლის თითოეული ეგზემპლარიც გადაეცათ მხარეებს.

მუხლი 12. ხელშეკრულების მოქმედების ვადა

12.1. წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა შორის ვალდებულებების სრულ შესრულებამდე, მაგრამ არაუგვიანეს 2013 წლის 16 სექტემბრის ჩათვლით;

12.2. თუ გავიდა ხელშეკრულების მოქმედების ვადა, მაგრამ არცერთ მხარეს არ მოუთხოვია შეწყვეტა ან შეცვლა ხელშეკრულება ავტომატურად გრძელდება მომდევნო ვადით.

მუხლი 13. მხარეთა რეკვიზიტები

შემსყიდველი:

(ხელმოწერა)

გადამზიდველი:

(ხელმოწერა)

